

諸城王氏金石叢書提要

諸城王氏金  
石叢書提要

孝胥

諸城王氏金石叢書序目

盍簠著  
書之一

嘉蔭簪古泉隋筆八卷 東武劉喜海著

又寰宇訪碑錄校補八卷 續出

金石家題跋錄存二卷 陽湖孫星衍等著

又名人題跋續錄四卷 續出

蕉葉山房藏書畫碑帖目三卷 諸城王瑋慶遺著

又懷古雜詠一卷書畫櫛識一卷 續出

王氏家藏書牘選錄三卷 順德李文田等著

泉苑萃珍四卷 諸城王錫榮遺著

又都中收買裝潢碑帖清冊二卷 同上

又選青閣日記鈔三卷 同上

寰宇訪碑錄補遺一卷補目一卷 福山王懿榮遺著

又增訂各家藏金文目四卷 續出

王氏吉金釋文一卷 諸城王緒祖遺著

又古泉匯補缺訂譌二卷 同上

又周句鑠齋藏石全目一卷 同上

又十布秘藏之室日記鈔四卷 同上

又金石刻跋一卷 泉話一卷 續出

種瓜亭題識二卷 續出

大齋所藏古器物文十二卷 諸城王維樸輯述

又天璽雙碑館藏金石文字錄四卷 續出

以上先刊第一二集十三種各綴提要續出第三集七種叙錄另撰爲卷都七十有三其續出七種中如名人題跋續錄著者爲劉文清翁蘇齋諸公又燕翁手校訪碑錄亦未刊之秘稿又先人遺著三種其目敬附於已印各遺著目錄之後梗槩已略見第一二集提要內並資參證種瓜亭題識則就漢輔兄遺迹輯錄至維樸所撰碑錄一種亦竊附於末焉庚午三月朔維樸謹誌於津門寓廬之盃盦

## 叙目

諸城王氏金石叢書提要

孟憲箸  
書之一

諸城 王維樸 齊民述

嘉陰簪古泉隋筆八卷

諸城劉喜海燕庭箸

歙鮑康子年批閱鄒閣鈔本

維樸謹錄

原稿附記於翁氏古泉彙攷稿本眉端後經彙錄成冊並未刊行以故近世之言金石學者多不獲觀書目箸錄亦鮮及此蓋當時副本傳鈔不廣今經百年遂如廣陵散矣當嘉道之際泉學發皇尙未臻咸同之盛北有二劉一初青園先生師陸渭園長親尙齡及燕翁也南則杭社戴文節瞿木夫諸公如鮑子年李竹朋兩先生則皆後起之秀而終以箸述成名者燕翁此稿多記載收藏辨別精確時及同好贈貽泉界掌故當日情況宛在目前以視翁之泉苑百卷有圖無文戴文節公之古泉叢話寥寥三卷者此稿之豐富完備實爲過之且上起周秦下迄明季旁及歷勝打馬外藩雜品考證史事補苴前譜之外訛亦吾國之泉貨小史也又烏可易視之原鈔本黑格竹紙先君蘭西公少時手迹內

黏鮑子年太世丈批校籤條

維樸

於故紙中檢出首尾完具幸少蠹蝕方今世

亂日亟不早謀刊佈之方異日此幾幾者復經毀佚亦豈吾儕好古者之夙願耶因輯入叢刻之首以貽世之究泉幣學而留心老輩佚聞遺事者燕翁藏泉沒世後陸續散出同邑鍾麗泉太姻丈淦及先祖戟門公收獲頗衆其後先祖所收大半爲世父念庭公保守箸入古泉備考原泉及備考稿歷經喪亂久已不可尋問先君於同治末年則悉收鍾氏所有並於燕翁曾孫手購得頗多類皆精裝詳題工雅異常洎光緒中葉先君藏泉益備乃偕先生妣婉如孫安人以六吉薄棉椎拓成譜藍格八冊阿堵傳神處較泉貨彙攷之拓於公餘燈下者似尤精緻先君駢文自序於首以摹制費時只成二部

維樸

與季弟

分存之

尙待裝訂編目增說方得影印行世姑識於此用期方來

燕翁原跋曰道光初元從葉東卿處假得大興翁宜泉古泉彙攷稿本八冊手自編纂成書後有所聞見輒書於簡端積有年所未曾收拾丙午春日吳我鷗觀察借彙考付鈔因將余所綴之說都爲一冊名曰隋筆余亦錄此本以備增益改削也燕庭誌于西川臬廨來鳳堂

羅叔蘊丈昔在廠肆曾見翁考稿本八卷有說無圖每條備引前人之說未附  
宜公案語後間有燕庭先生校記以爲嘉陰簪校寫本其每卷次序亦與此稿  
合惟燕翁校記多在眉端因

維樸

所藏燕翁手校寰宇訪碑錄八卷先祖照原

式過錄並增名人識語亦係就所藏隋時標誌備檢與此古泉隋筆稿之原記  
於宜公泉考書眉者正同且又得一證焉李越縵日記載錢竹汀日記爲諸城  
劉布政喜海所藏眉間多有批字皆自記其所得之書此與古泉碑版二稿並  
皆考古秘鑰藝林珍璆惜俱未經好事者鈔錄印行湮沒百年爲不幸耳訪碑  
錄校補一種

維樸

已摘抄入盦靈擊古錄略加按語付印流傳今復印行古泉

隋筆而竹汀日記則仍扁諸潘氏篋衍未知何日復現於世思之良用憮然

葉氏平安館所輯劉燕庭金石目一卷及胡次瑤氏

琨

手輯嘉陰簪蒐古彙編

四冊與目錄數種今藏吾友林石廬處涵芬樓復搜得金石苑稿本六十三冊  
王靜安徽君爲之跋此俱燕翁著述各稿之現存於世者至已刊各種爲數不  
多見先君所撰縣志本傳前已載入擊古錄茲不贅

維樸

尙藏有清愛堂欽識

帖原拓一冊同治時陳壽卿表祖卽尋訪不遇函詢子年先生極讚摹刻之精

足徵其流傳之罕遂動簠齋索致重刊之興非偶然也今擬影照印行不列叢書之內又金石苑內造象觀古錄之千佛山等二冊俱舊拓釋跋亦須付印又手寫桑梓之遺書畫目原編數百大冊悉出高南阜郭琅菴兩先生手集滄桑靡定全帙久佚所可考者惟目而已雖寥寥數十番而吾鄉文獻所關是宜影印以存此一段掌故矧出自耆宿之手畢哉

金石家題跋錄存二卷

陽湖孫星衍淵如等墨迹

諸城後學王維樸校錄

右乾嘉名儒手迹乃錄自青箱古集金匱墨本悉依原書略加編次析爲上下卷以便觀覽原分十六冊二函梵夾裝高尺許寬半之絹面紙籤計三代金文三冊秦漢金文二冊又瓦當二冊漢晉訖明專甕九冊都七百四十一種古拓名書相映生輝以視世行各本敬吾心室庶可雁行而匱甕缺如編制亦疏餘則或出撫摹全失真意或多近拓流傳匪罕而求於一帙之中具名賢法書如此完備者誠屬稀邁此本編之應珍襲者也先祖致之於咸豐之時先君裝成於光緒中葉復經盛

意園

黃

仲發

諸公及先文敏題誌老輩翰墨兩世遺澤吾

家青箱恪慎世守不其宜歟茲謹依金文匋文就其名目藏家題跋略爲摘述  
一二以資揚摧原書各跋亦敬寫數則列諸後幅

金文五冊著名及罕見之品如未入 內府前之散盤袁文誠時之孟鼎原器  
久佚銘文百七之晉邦盥舊拓之虢叔鐘頌鼎師酉敦不嬰敦魯士簠伯憲盃  
虢季盤宜人甌古兵權斤漢鐙鼎錠符戚以及范鏡造象各拓多在百餘年外  
墨采楮光尤堪玩味原藏弄家爲阮文達程梅盥曹秋舫吳康甫翁叔均朱建  
卿許印林吳子苾劉吉父葉東卿顧湘舟丁筱農吳平齋李翦汀韓季卿諸公  
居今日而求以上各家舊拓片紙寸墨幾同星鳳此鑒家之所共知矧數百本  
同列一編耶題跋各家有孫晉甫葉東卿黃小松許印林朱建卿李方赤諸先  
生寸璣尺璆俱前人遺迹今俱視同瓊珍矣右金文之摘要也

匋文十一冊內瓦二而專九仍按上例記之瓦當如秦十二字瓦漢宮室古語  
畫象各瓦大都異文殊體有裨考證且久經毀佚無從椎拓之品居多其藏家  
及題識則有翟氏文泉何氏夢華劉氏吉父先文敏公內如五經歲徧齋藏品  
流傳最罕曷啻吉光片羽專璧在此徧內數量最繁其重要並不在金文之次

而保存維艱拓墨希見比諸彝器猶或逾之取徵今日世傳金石圖譜彝器較多石刻亦備惟於匋甕箸錄爲罕其故安在蓋質脆易毀施墨不易隋手棄置而不及時制譜纂輯之過也擇錄如下君子專八範各異態五鳳專硯芑堂秘笈後入余家樓已箸錄其漢魏典午宋明紀年各正品亦於歷朝之治體國風時世隆替並可徵信抑或文獻偶闕借此可補爰暨郡縣姓氏吉語畫象各種適美超逸俱非凡制博古君子其有取焉收存各氏如黃椒升張芑堂陳南叔吳康甫何夢華張叔未徐籀莊俞丙齋趙石侶諸家俱鑒賞專門收蓄巨擘媲美歐趙蔚爲國光者至箋題撫硃悉出碩彥之手寸縑尺素莫非斯文之遺其可考見者則有孫淵如翁宜泉徐問渠瞿木夫張叔未陳仲虎何夢華陳南叔釋六舟諸公盡係著述等身淹雅堪法手迹傳留雖已時逾百禩訖今幸猶未損非所謂魯殿靈光巍然獨存者乎右匋文之摘要也

定甫楊先生跋曰昔人嘗言金石之文可以攷訂經史非若書畫徒供賞鑒而已晉時青州得齊景公尊迺知古犧尊形秦刻石文載太史公書其琅琊臺在諸城境內斯誠宙合之瓊珍考古之淵藪也抑余聞歐陽文忠集古刻千餘各

有題跋其子樂爲錄目以傳於後今王子鰾閣生長諸城爲蕩塘侍郎之孫戟門比部之嗣比部撰有古泉考十餘卷古刻古印錄數卷海內稱之鰾閣年少媚學集其先世所藏金石文字載之青箱眎槩之於文忠庸桀弗若則所以礪古訓而繼清芬者宜何如乎孟晉乎哉己丑仲夏既望章安楊晨題于京師伯羲盛先生跋曰鰾閣舍人與賢兄念庭大令皆以學名當世念庭館余家二年無日不以鼎彝難字相商推也念庭多蓄古泉鰾閣多蓄彝器然睽敦禽彝其最著者此編乃其先世戟門先生所蓄皆當時同好投贈之物可想道咸時京朝官雅尙鰾閣應官之暇盍爲考釋勿徒作骨董觀也庚寅七月盛昱先文敏公跋曰此三十年前親見戟門老叔手自收輯者春秋佳日追隋商推自今思之殆如夢境嗚呼此夢今生豈可復得哉二弟鰾閣能知收拾之孝思不置是可慰矣然傳家故物又不止此一拳平泉莊石已也光緒十五年懿榮先君中翰公跋曰右金石拓本皆先大夫官京師時所輯也凡三代銅器拓一百四十紙秦漢以下銅器拓九十紙銅造象拓卅三紙瓦拓七十五紙專拓三百九十八紙專泥造象拓五紙其金文多獲自葉氏東卿劉氏燕庭韓氏季卿

諸家專瓦各拓爲燕庭先生手輯者十之七八

維樸按此疑即金石苑內寶甕玩古錄蒐而未

成之底本

內有孫淵如翁宜泉瞿木夫陳南叔諸公箋題老輩手迹具存尤足寶

貴山居多暇爰裝成冊並識數語至

緒祖

所得拓本當續綴一編不復屢列俾

後之覽者藉以識先大夫蒐羅之匪易云光緒丁亥

緒祖謹志

維樸

謹按先君於光緒初葉繼纂青箱古集續編一百二十四冊爲時三十載

蒐羅遍宇內式仍正集分裝十五鉅函翻閱一過須盡三日之力

見張跋

陳列盈

几幾佔尋丈之廣上續正集之不及下逮最後所發現金石匱篋鉅細靡遺佚

篇梵文著錄殆盡以較近時行世之譜錄尙未見如斯鉅製然如憲齋中丞之

考釋惟精雪堂世丈之編製盡善適廬大令之收錄賅備俱爲輓近甲觀殊非

易觀先人兩世耆古遺此鉅著謹當詳加讐校精印行世倘亦海內有道所期

許歟

維樸

近歲於公務餘閒輒偶爾從事夫譜錄之學因檢青箱正續兩集所

未及收入之品敬承先意輯爲三編亦數百品體例類次業已粗具條理至裝

制成帙則尙須緩以時日以求少致舛謬云右僅錄原跋四段其孟志青年丈

宋晉之先生子良族伯黃仲弢世丈李如松先生張叔平先生諸跋從略

蕉葉山房藏書畫碑帖目三卷

諸城王瑋慶蕩唐遺著未刊稿

曾孫 維樸 謹錄

目一冊曾王父手錄以備遺忘之需白摺紙巾箱簿都三十二葉每葉二十六行以行草書之首記存書目次碑帖目次書畫目俱分甲乙丙丁四種悉以圓規誌之甲三乙二丙一丁無當時並非撰述不過簿目之設故標識極簡不易窺測然自道光以迄今日時經百載彼時簿中所記今爲 樸 世守者尙有十之一二姑就原記等第較之無不相合謹擇錄副帙刊入叢書其爲 樸 所經眼者則略加按語以求詳備存置家塾留示來葉至公之政蹟事實悉具于 國史縣志生平詩文遊踪備載全集年譜如此袖珍小冊雖只誌文藝餘事固可與上列各書附麗以行亦足見公之嗜好所在爲子孫式也細繹此簿筆迹當在五旬之時故最後數年所得多未及列入耳

按公所遺舊槧本書之存於今者如十三經注疏通體批校全部汲古閣十七史及監本念一史內零種如前四史等俱係初印且經點勘總集別集類較前爲備多加丹黃蓋非只藏書者之藏書實讀書者之藏書也王氏後人幸其勉

旃碑帖類中如孔廟漢刻陝西唐碑在嘉道時所收墨本非國初即明季以視今日之古拓日稀價值昂貴者實時代使然彼時法帖尙席雍乾之餘風故猶多舊拓今則談碑者即不及帖其實山陰遺烈蘭亭雅襖悉藝林之韻事固不必盡斥之不顧至於書畫中如文董周唐亦多佳構同人字迹畫幅多係祁文端胡文忠吳荷屋莫子偲黃樂之諸公當時投貽之品焉

王氏家藏書牘選錄三卷

順德李文田約農等墨迹

諸城後學王維樸校錄

右尺牘選錄三卷乃就咸同以來爰及輓近金石諸名公致先祖先君兩世書翰內擇鈔者列目如左第一卷先祖時簡札匡鶴泉李約農樊文卿楊惺吾劉子重趙撫叔胡石查吳子高德硯香孫松坪楊總卿盛嘯侯諸公凡六十八通七十三頁

維樸

檢輯於故紙叢中所得僅此略爲排比裝池成冊披讀內容談

碑版者居大半而咸同之交鮑子年李竹朋諸先生來往論泉之手翰及潘文勤翁文恭各札今俱不可得見因當時同人書牘於閱過後多夾置常閱書冊內今

維樸

所集者乃先祖遺書四之一內中夾附者其餘四之三現在

季弟手

者亦四之一異日尚可輯錄其在世父處之四之二傳襲已三世又復迭經喪亂久歸散佚不可問矣第二卷先君中年以後及晚年旅津時朋好書簡如盛伯羲楊定甫宋晉之胡甘伯黃仲弢孟志青陳壽卿高翰生田雨帆羅叔言子敬顧鼎梅陳墨逵王幼章金浚宣卞白眉李小石諸公都四十五通爲葉凡九十有三亦已已冬精裝尺牘三冊之一自田君以上多屬光緒中葉自羅丈以下則屆晚年旅津之時前者多及搜致金石贈貽墨本刊刻遺書考釋文字各事後者則多談新出古物石刻及詩文酬答之類亦機所手輯旅津尺牘原存尙多先君曾自黏二巨冊不時披覽後爲亡弟保存維樸欲錄副未果今亡弟墓有宿草迴溯前塵悼傷不能自己差幸旅津全部日記今已擇抄入此叢刻猶可窺見一二矣第三卷乃福山族伯祖蓮塘公族伯廉生公族兄漢輔三世致先祖先君手札計五十有二通得六十七頁先君曾黏連成冊維樸又略加輯補今所得見先烈遺墨盡在是矣族伯祖書中乃告先祖以四川石刻各事讀之宛如身歷文敏族伯與先祖各書則盡三十歲以前筆迹多借書請益問古泉雜器碑拓等事書體全摸率更與中晚年筆迹全不相似見者多詫爲希

遇蓋今日流行公之墨迹皆中晚所作求如此晨氣蓬勃之少年傑構誠爲少  
覩先入叢書再圖影行至於公之致先君各札則在五十歲內外與致黃縣松  
溪年丈者同內有賀先君家居時得鍾劉李三家秘藏一簡維樸因以略知先  
君藏器藏泉之來歷近又證以墨拓與著錄愈符合矣伏念此三卷者二百餘  
幅裒然巨帙殘破佚散之餘羅楮精裝檀楠爲裘墨光筆采頓復舊觀悉昔賢  
先烈精神之所寄後之讀者庶知所珍重哉異日季弟所存亦得裝錄以補斯  
編之不及豈止維樸之幸蓋亦同好之欲快觀也歟名著及遺迹之待整理者  
極夥頭緒紛紜幾無從入手今卽先就較易輯錄者編爲叢書其餘再行陸續  
校訂分期授梓以廣流傳此彙刊者以爲嚆引斯可爾

泉苑萃珍四卷

諸城王錫棨戟門遺著未刊稿

孫男維樸謹錄

泉苑萃珍抄本一冊先君中年時筆迹白箋紙藍格半頁九行行二十三四字  
不等板心下方八字雙行曰東武王氏鄒閣校鈔共五十有一葉皆行楷精整  
紙墨清潔仍以古幣冠首齊刀次之再則古圖法周秦漢泉布六朝唐宋元明

正品以及外邦藩屬壓勝廟宇詩牌打馬殿焉共計五六百枚皆稀見之品及至精而無微暇者泉貨彙攷十二卷則定稿於同治二年春年三十一歲其後數載時有所獲且多珍異因就前攷中之欣賞者附以後得精品拓譜四冊前圖後說如泉考例起甲子訖己巳秋病後前後六稔不幸竟於庚午四月十七日疾終於京邸矣悲哉原稿由世父保藏先君於光緒中季借錄彼時先君日夕臨蘇故此冊純以坡法寫之名泉精書敬謹捧讀恍如趨侍之時且珍品中傳嬌三世維樸今尙存三五列原泉披先譜較之翻閱他書其恠趣既異味尤雋永原譜聞在羣從處比問之則不知究竟蓋無從探索矣幸此副帙猶存得以彙刻傳世則我祖精神所寄托終不泯也思至此復爲之一快

謹將最著名之珍品略記數種於後一山陽幣最罕見一涼造新泉丁卯夏四月胡石查贈傳世極罕一永隆通寶背閩鐵錢世間最少一天策府寶甲子二月得于劉燕翁家此錢銅質渾重史氏失其傳近世絕少一乾封泉寶背天又同上鐵泉六品背天者二背天府者二背策者二以上永隆天策及乾封銅鐵七品戴文節家有天策一品張叔未家有永隆一品他人未嘗有藏者徐問渠